




10



Letsetse le qhomang ka ho fetisisa!

Ditshingwana le ditshitshidi



Letsetse o dutse a itholetse tsebeng ya Ratty mme o shebile dikokwanyana tse qabanang....hape!


"Ke matjato ka ho fetisisa," ke Tsie eo.

"Ha ho na nthwe jwalo" ho tjho Mofehlo.

"Bohle ba a tseba hore ke nna ya matjato ka ho fetisisa."

"Ke motlae nthweno, ke nna ya fetisisang ka matjato," ho bobola Notshi.

"Ha re beiseng," ho sisinya Letsetse. "Ha re beiseng!"





A cartoon illustration of a bee with a yellow and black striped body, red wings, and a smiling face. It is shown in a flying pose against a light blue background.



La fihla la peiso!
Serapatswana sa phethesela ke medidietsane. Bohle ba le teng.

Beng!

"Tsa tloha lekweteng...Mofehlo wa ipeha ka pele ...,"
ho hasa Lefokolodi

Bobi ba loma Mofehlo.

"Yaba Bobi bo ka pele...ke eng hoo?" ho tjho Lefokolodi.
"Notshi ya tswa lekoteng!"

Notshi e sa kgone ho iphapanyetsa Mahe-a-Dinotshi.

"Jwale di tshwarane ntate...Bobi le Mofehlo ba habile mola
wa tlholo", ho reilo Lefokolodi.

Mofehlo wa sututsa Bobi. Bobi le bona ba busetsa.
Ba sututsana. Ba thulana. Ke lehesheheshe!
Letsetse le neng le robetse tlasa lepheo la Mofehlo la tsoha ka
matjato la qhoma la baleha ntweng ena...la tlolela moleng wa tlholo!

"Hei!" letshwele la kgotsa le maketse.

"Mme mohlodi ke Letsetse," ho hoeletsa Lefokolodi.

Mme ke ka moo letsetse le ileng la eba mmampodi ya matjato ka ho
fetisisa ka seratswaneng.

